

## **VENDIM**

**Nr. 101 datë 07.06.2017**

### **PËR**

### **MIRATIMIN E RREGULLORES “PËR PROCEDURAT E INSPEKTIMIT TË VEPRIMTARISË AUDIOVIZIVE TË OFRUESVE TË SHËRBIMIT MEDIATIK AUDIO DHE/OSE AUDIOVIZIV”**

Autoriteti i Mediave Audiovizive, në mbështetje nenit 19, pika 16 të ligjit nr. 97/2013, “Për mediat audiovizive në Republikën e Shqipërisë”,

### **VENDOSI:**

1. Miratimin e Rregullores “Për procedurat e inspektimit të veprimitarisë audiovizive të ofruesve të shërbimit mediatic audio dhe/ose audioviziv”, sipas tekstit bashkëlidhur këtij vendimi.
2. Ngarkohet administrata e AMA-s për zbatimin e këtij vendimi.

Ky Vendim hyn në fuqi menjëherë.

<b>Kryetar:</b>	<b>Gentian</b>	<b>SALA</b>
<b>Zëvendëskryetar:</b>	<b>Sami</b>	<b>NEZAJ</b>
<b>Anëtarë:</b>	<b>Agron</b>	<b>GJEKMARKAJ</b>
	<b>Gledis</b>	<b>GJIPALI</b>
	<b>Piro</b>	<b>MISHA</b>
	<b>Suela</b>	<b>MUSTA</b>
	<b>Zylyftar</b>	<b>BREGU</b>

**RREGULLORE**  
**PËR**  
**PROCEDURAT E INSPEKTIMIT TË VEPRIMTARISË AUDIOVIZIVE TË**  
**OFRUESVE TË SHËRBIMIT MEDIATIK AUDIO DHE/OSE AUDIOVIZIV**

**KREU I**  
**QËLLIMI DHE SHTRIRJA, BAZA LIGJORE, PËRKUFIZIMET DHE PARIMET**

**Neni 1**

**Qëllimi dhe Shtrirja**

1. Qëllimi i kësaj rregulloreje është që të përcaktojë procedurat dhe parimet në lidhje me realizimin e të drejtave dhe përmbushjen e detyrimeve të subjekteve që ofrojnë shërbime mediatike audiovizive, në rastet kur Autoriteti i Mediave Audiovizive (AMA) ushtron kontroll të veprimtarisë audio dhe/ose audiovizive të tyre, në zbatim të dispozitave të Ligjit nr. 97/2013 “Për mediat Audiovizive në Republikën e Shqipërisë”, i ndryshuar dhe akteve nënligjore në zbatim të tij.
2. Kjo rregullore përcakton të drejtat dhe detyrimet e personave të autorizuar të AMA-s, gjatë ushtrimit të kompetencave të tyre ligjore, si dhe të gjitha palëve, që janë subjekt i inspektimit.

**Neni 2**

**Baza ligjore**

1. Kjo rregullore është përgatitur në bazë të legjislacionit specifik të mëposhtëm:
  - (i) Ligji nr. 97/2013 “Për mediat audiovizive në Republikën e Shqipërisë” i ndryshuar;
  - (ii) Ligji nr. 35/2016 për të drejtat e autorit dhe të drejtat e tjera të lidhura me to, “Për të drejtat e autorit dhe të drejtat e tjera të lidhura me të”.
  - (iii) Ligji nr. 9918, datë 19.05.2008 për “Komunikimet elektronike në Republikën e Shqipërisë, i ndryshuar;
  - (iv) Ligji nr. 8096, datë 21.03.1996 “Për kinematografinë”, i ndryshuar;
  - (v) Ligji nr. 10279, datë 20.05.2010 “Për kundërvajtjet administrative”;
  - (vi) Ligji nr. 44/2015 “Kodi i procedurave administrative i Republikës së Shqipërisë”;
  - (vii) Ligji nr. 8435, datë 28.12.1998 “Për sistemin e taksave në Republikën e Shqipërisë”, i ndryshuar.
2. Kjo rregullore mban parasysh edhe aktet nënligjore në zbatim të ligjeve të përmendura në pikën 1 të këtij neni.

**Neni 3**

**Përkufizimet**

Termet e përdorur në këtë Rregullore do të kenë të njëjtin kuptim si në ligjin nr. 97/2013 “Për mediat audiovizive në Republikën e Shqipërisë”, i ndryshuar dhe në rast se nuk janë të përkufizuar në ligj, do të jenë në përputhje me direktivat e BE-së për komunikimet elektronike, AVMSD-në, aktet e ITU-së dhe CEPT-it (Konferenca Evropiane e Postës dhe Telekomunikacioneve) në fuqi.

**Neni 4**

**Parimet e Inspektimit**

AMA, në mënyrë që të realizojë një inspektim sa më efektiv, do të udhëhiqet nga parimet e mëposhtme:

1. Parimet e përgjithshme:

- (i) Trajtim i drejtë dhe jo diskriminues i të gjithë subjekteve, gjatë aktiviteteve të inspektimit.
  - (ii) Sigurimi i konfidencialitetit të informacionit, të dhënave dhe dokumenteve të siguruara gjatë aktiviteteve të inspektimit, përveç rasteve të parashikuara me ligj.
  - (iii) Paanshmëria gjatë kryerjes së inspektimit, vlerësimit të rezultateve dhe hartimit të akteve përkatëse.
  - (iv) Parandalimi i çfarëdolloj ndërhyrjeje, qoftë nga brenda, apo jashtë AMA-s, që mund të ndikojë në ndershmëri, ose paanshmëri.
  - (v) Trajtimi me kujdes dhe përgjegjshmëri i secilës fazë të aktivitetit të inspektimit.
  - (vi) Pajtueshmëri me parimet e përgjithshme të inspektimit, pavarësisht parimeve të listuara në këtë nen.
2. Parimi i pavarësisë së inspektimit, sipas të cilit, AMA, brenda kompetencave të dhëna me ligj apo akt nënligjor, është plotësisht i pavarur në kryerjen e procedimit të inspektimit dhe marrjen e vendimeve për një rast konkret.
  3. Parimi i proporcionalitetit në veprimtarinë e inspektimit, sipas të cilit:
    - (i) Në kryerjen e inspektimit, AMA kryen veprimet e inspektimit në mënyrë të tillë që të ndërhyjë në veprimtarinë e subjektit të inspektimit vetëm për aq sa është e domosdoshme dhe e përshtatshme për arritjen e qëllimit të inspektimit.
    - (ii) Në përcaktimin e dënimit apo të masës që duhet marrë, AMA, në përputhje me rëndësinë e shkeljeve të konstatuara apo pasojave të tyre, vendos atë sanksion apo merr atë masë që është domosdoshme dhe e përshtatshme për arritjen e qëllimit të dënimit apo masës dhe që cenon më pak të drejtat apo interesat e ligjshme të subjektit të inspektimit.

## **KREU II**

### **RREGULLA TË PËRGJITHSHME PËR INSPEKTIMIN**

#### **Neni 5**

##### **Urdhri i inspektimit**

1. Inspektimi kryhet në bazë të urdhrit të inspektimit.
2. Kryetari i AMA-s, në bazë të urdhërit të inspektimit, autorizon inspektorët për të realizuar inspektimin në përputhje me kriteret dhe rastet e parashikuara në legjislacionin organik.
3. Inspektorët përzgjidhen nga Drejtoria e Mbikëqyrjes. Në raste të veçanta, inspektor mund të jetë edhe një nëpunës tjetër i specializuar i administratës së AMA-s, ose një person tjetër i specializuar, i cili mbulon fushat përkatëse të objektit, apo çështjes për të cilën kryhet inspektimi.

#### **Neni 6**

##### **Përmbajtja e urdhrit të inspektimit**

1. Në urdhrin e inspektimit përcaktohen, të paktën, këto elemente:
  - (i) emri, ose emërtimi dhe adresa e subjektit të inspektimit;
  - (ii) objekti i inspektimit;
  - (iii) data e lëshimit;
  - (iv) identiteti i inspektorëve, duke përcaktuar edhe kryetarin e tyre.
  - (v) kur ka, identiteti i personave të tjerë të specializuar;
  - (vi) kohëzgjatja, në ditë, për kryerjen e inspektimit;
  - (vii) të dhënat e identifikimit, pozicioni dhe nënshkrimi i personit që ka lëshuar urdhrin.
2. Adresa e subjektit që i nënshtrohet inspektimit është adresa e deklaruar dhe regjistruar pranë Autoritetit të Mediave Audiovizive dhe/ose ajo e regjistruar sipas legjislacionit në fuqi për shoqëritë tregtare. Kur subjekti që i nënshtrohet inspektimit, ka më shumë se një adresë, për ushtrimin e aktivitetit të tij, urdhri i shtrin efektet e tij edhe në këto adresa.
3. Në rastin kur objekti i inspektimit është zbatimi i ligjshmërisë prej disa apo gjithë subjekteve që operojnë në një apo disa njësi administrative të caktuara, në vend të emrit apo emërtimit dhe adresës së subjektit të inspektimit, sipas pikës 1/i të këtij neni, në urdhër shënohet/n njësia/njësitë administrative që do të inspektohen.

**KREU III**  
**PROCEDURA E PËRGJITHSHME E INSPEKTIMIT**

**SEKSIONI 1**

**Personat pjesëmarrës në inspektim dhe njoftimi i inspektimit**

**Neni 7**

**Inspektorët e autorizuar për të kryer veprime inspektimi**

1. Inspektimi kryhet nga inspektorët e përcaktuar në urdhrin e inspektimit, të ndarë në grupe inspektimi të përbërë nga jo pak se 3 (tre) inspektorë.
2. Zëvendësimi i një inspektori, të përcaktuar në urdhrin e inspektimit mund të bëhet vetëm me urdhër të veçantë, që i njoftohet pa vonesë subjektit të inspektimit dhe, sidoqoftë, përpara fillimit të veprimeve nga inspektori i ri.
3. Gjatë ushtrimit të veprimtarisë inspektuese, inspektori identifikohet me dokumentin përkatës të institucionit.

**Neni 8**

**Mbështetja e veprimeve të inspektimit**

1. Inspektorët e autorizuar për inspektim, për përcaktimin e fakteve dhe rrethanave të nevojshme, me qëllim marrjen e një vendimi përfundimtar, mund të kërkojnë bashkëpunim, ose ndihmë të specializuar, ose informacione dhe/ose të dhëna të tjera të nevojshme nga nëpunës, organe publike, ekspertë, ose subjekte private.
2. Subjektet, e parashikuar në pikën 1 të këtij neni, nuk kanë të drejtat e përcaktuara nga ligji dhe kjo rregullore për inspektorët dhe nuk mund të marrin vendime procedurale apo përfundimtare për inspektimin. Sidoqoftë, ata kanë detyrimin të mos përhapin, ose përdorin të dhënat që lidhen me veprimtarinë personale, tregtare, ose profesionale të subjektit të inspektimit apo të personave të tjerë të përfshirë, që mbrohen sipas legjislacionit në fuqi dhe me të cilat njihen gjatë inspektimit.

**Neni 9**

**Njoftimi i inspektimit**

1. Fillimi i inspektimit i njoftohet subjektit të inspektimit paraprakisht, ose njëkohësisht me fillimin e veprimeve të inspektimit, nëpërmjet dorëzimit të urdhrin të inspektimit, përfaqësuesit të subjektit të inspektimit.
2. Në raste të veçanta, fillimi i inspektimit mund të njoftohet edhe përmes telefonit, në numrin, ose një prej numrave të telefonit të personit të kontaktit që subjekti i inspektimit ka deklaruar në AMA, sipas parashikimeve ligjore në fuqi.
3. Njëkohësisht me njoftimin e mësipërm, në çdo rast, inspektorët, përpara fillimit të veprimeve të inspektimit, informojnë përfaqësuesin e subjektit që inspektohet për objektin e inspektimit dhe për të drejtat dhe detyrimet e tij, sipas ligjit, si dhe për pasojat ligjore të mosrespektimit të këtyre detyrimeve.

**Neni 10**

**Vendi i inspektimit**

1. Vendi i inspektimit, pavarësisht adresës së përcaktuar në urdhrin e inspektimit, mund të jetë:
  - (i) kudo ku ushtron veprimtarinë e tij audio dhe/ose audiovizive subjekti që inspektohet dhe ku ndodhen faktet dhe rrethanat, që lidhen me respektimin, ose mosrespektimin e kërkesave ligjore;
  - (ii) në zyrat e organit inspektues, nëse nga natyra e inspektimit është i mundur të kryhet inspektimi.
2. Në rastin e parashikuar në pikën 1/ii të këtij neni, subjekti i inspektimit ftohet të paraqitet në zyrat e organit. Nëse është e nevojshme, subjektit që inspektohet mund t'i kërkohej të paraqesë, gjatë inspektimit, ose në zyrat e organit inspektues, dokumente, sende, apo të dhëna të tjera, të nevojshme për inspektimin.

## **Neni 11**

### **Koha për kryerjen e inspektimit**

Veprimet e inspektimit zhvillohen në çdo kohë, pavarësisht nga kohëzgjatja normale e punës së personave të autorizuar apo subjektit që inspektohet.

## **SEKSIONI 2**

### **Të drejtat dhe detyrimet e subjektit të inspektimit**

## **Neni 12**

### **Të drejtat e subjektit të inspektimit**

Subjekti i inspektimit ka këto të drejta gjatë inspektimit:

1. Të kërkojë të njihet me urdhrin e inspektimit para fillimit të inspektimit;
2. Të kërkojë identifikimin e inspektorëve;
3. Të jetë prezent dhe të ndjekë, vetë, ose nëpërmjet përfaqësuesit të tij, të gjitha veprimet e inspektimit;
4. Të paraqesë mendimet, shpjegimet për faktet, rrethanat apo edhe për çështjet ligjore, që kanë të bëjnë me inspektimin, apo të paraqesë propozimet e tij për zgjidhjen e çështjes dhe dokumentet, ose materialet përkatëse ku i mbështet ato;
5. Të kërkojë të njihet dhe t'i njoftohet procesverbali i inspektimit;
6. Të paraqesë kontestimet e tij për vlerësimin e provave të administruara, për rezultatet e hetimit dhe për vendimin që synohet të merret.

## **Neni 13**

### **Detyrimet e subjektit të inspektimit**

Përveç sa parashikohet nga ligji i posaçëm, subjekti i inspektimit ka këto detyrime gjatë veprimtarisë së inspektimit:

1. Të ketë, ose të vërë në dispozicion të paktën një punonjës, ose një person të autorizuar prej tij, në çdo kohë (24 orë në ditë, për 7 ditë të javës), në vendin/mjediset ku janë të vendosura pajisjet audio dhe/ose audiovizive. Punonjësi, ose personi i autorizuar në fjalë konsiderohet si përfaqësues i subjektit që inspektohet dhe ka të njëjta të drejta dhe detyrime gjatë inspektimit;
2. Në rast se nuk dëshiron, ose nuk ka mundësi të komunikojë drejtpërdrejt me inspektorët, të caktojë një përfaqësues, si dhe t'i shoqërojë ata në çdo vend/mjedis të përmendur në pikën 1 të këtij neni;
3. Të bashkëpunojë dhe të mos pengojë kryerjen e veprimeve të inspektimit. Mungesa e bashkëpunimit vlerësohet bashkë me provat e tjera;
4. Të sigurojë një vend të përshtatshëm për punën e inspektorëve, nëse inspektimi kryhet në vendin e ushtrimit të veprimtarisë, si dhe t'u ofrojë atyre qasje të plotë në pajisjet dhe/ose infrastrukturën në posedim apo administrim;
5. Të paraqesë çdo informacion, të dhënë, ose dokument, si dhe të japë çdo shpjegim për faktet e rrethanat e konstatuara dhe të nevojshme për inspektimin, nëse kërkohet nga inspektorët, duke respektuar edhe afatin kohor të përcaktuar prej tyre;
6. Të lejojë dhe të mundësojë marrjen e dëshmive nga punëmarrësit e tij, nëse kjo kërkohet nga inspektorët.

## **SEKSIONI 3**

### **Të drejtat dhe detyrimet e inspektorëve**

## **Neni 14**

### **Të drejtat e inspektorëve**

Përveç sa parashikohet ndryshe nga ligji i posaçëm, inspektorët kanë këto të drejta:

1. Të hyjnë dhe të inspektojnë godinat, mjediset, objektet, sendet, ku apo nëpërmjet të cilave ushtron veprimtarinë subjekti i inspektimit, si dhe të inspektojë instalimet, pajisjet, makineritë, produktet, përbërësit dhe çdo send tjetër të lidhur me veprimtarinë, objekt inspektimi, kudo ku ato ndodhen.

2. Të kërkojnë dhe të marrin kopje të dokumenteve të veprimtarisë, në përputhje me objektin e inspektimit. Kërkesa pasqyrohet në procesverbalin e inspektimit. Çdo kopje dokumenti e marrë, nënshkruhet nga përfaqësuesi i subjektit të inspektimit. Për aq sa është e mundur, kjo pikë zbatohet edhe për dokumentet e ruajtura në trajtë elektronike, regjistrimet elektronike e audiovizive apo të çdo lloj teknologjie tjetër.
3. Të kryejnë fotografime, filmime, ose regjistrime me mënyra a mjete të tjera teknike, të mjediseve, instalimeve, proceseve të punës dhe godinave, objekteve, pajisjeve, produkteve dhe çdo sendi tjetër, që lidhet me veprimtarinë e subjektit të inspektimit, kudo ku ato ndodhen.
4. Të inspektojnë çdo dokument, ose regjistrim të nevojshëm për verifikimin e respektimit të kërkesave ligjore, përfshirë edhe ato të ruajtura, të krijuara apo të mbajtura në format elektronik, apo çdo teknikë tjetër.
5. Të bëjnë matjet e nevojshme për të verifikuar respektimin e kërkesave ligjore nga subjekti i inspektimit.
6. Të kryejnë verifikime të dokumenteve për identitetin e personave, kur kjo është e nevojshme, sipas objektit të inspektimit.
7. T'i kërkojnë subjektit të inspektimit apo punëmarrësve të tij të kryejnë të gjitha veprimet e nevojshme për të lehtësuar inspektimin.

#### **Neni 15**

##### **Detyrimet e inspektorëve**

Përveç sa parashikohet ndryshe nga ligji i posaçëm, inspektorët kanë këto detyrime:

1. Para fillimit të inspektimit, të prezantohen me anë të dokumentit të identifikimit të institucionit.
2. T'i paraqesin subjektit të inspektimit urdhrin përkatës të inspektimit.
3. Të evitojnë pikëpamjet dhe sjelljet në vendin e inspektimit, që mund të kenë efekt të dëmshëm në parimet e respektit dhe besimit të kërkuar për detyrat dhe përgjegjësitë e tyre;
4. Të ruajnë informacionet konfidenciale dhe sekretet tregtare të marra gjatë inspektimit, përveç atyre ligjërisht të autorizuar dhe, gjithashtu, të shmangin përdorimin e tyre, në mënyrë të drejtpërdrejtë, ose të tërthortë për përfitim personal, apo për përfitim të palëve të treta;

#### **SEKSIONI 4**

##### **PROCESVERBALI I INSPEKTIMIT DHE VENDIMI PËRFUNDIMTAR**

#### **Neni 16**

##### **Mbajtja dhe njoftimi i procesverbalit**

1. Përpara fillimit dhe kryerjes së inspektimit, inspektorët mbajnë procesverbalin e prezencës, i cili nënshkruhet edhe nga përfaqësuesi i subjektit të inspektimit që ndodhet në vendin ku kryhet inspektimi.
2. Mospranimi për të nënshkruar procesverbalin e prezencës konsiderohet moslejim i inspektorëve për të hyrë në mjediset ku janë vendosur pajisjet audiovizive të të licencuarit dhe/ose të të autorizuarit për të ushtruar kontroll.
3. Mosrespektimi i detyrimit parashikuar në nenin 13, pika 1 të kësaj rregulloreje, pavarësisht nënshkrimit të procesverbalit të prezencës, konsiderohet moslejim i inspektorëve për të hyrë në mjediset ku janë vendosur pajisjet audiovizive të të licencuarit dhe/ose të të autorizuarit.
4. Në përfundim të inspektimit, inspektorët mbajnë procesverbalin e inspektimit dhe, kur është rasti, edhe proces verbalin e konstatimit të programeve në transmetim, të cilët nënshkruhen edhe nga përfaqësuesi i subjektit të inspektimit.
5. Procesverbalet, sipas pikës 4 të këtij neni, si rregull, mbahen në vendin e inspektimit dhe i njoftohen, në përfundim të inspektimit, subjektit të inspektimit nëpërmjet dorëzimit të kopjes në vend.
6. Procesverballi i inspektimit mund të mbahet edhe në zyrat e AMA-s, kur kundërvajtja lidhet me detyrime të subjektit, verifikimi dhe konstatimi i të cilave bëhet kryesisht nga organi inspektues. Në këtë rast, procesverballi i inspektimit i njoftohet subjektit në përputhje me dispozitat ligjore në fuqi.

7. Procesverbal i inspektimit përmban informacion të hollësishëm për veprimet e inspektimit, gjetjet e tij dhe vendimet procedurale të marra gjatë inspektimit.
8. Subjekti që inspektohet ka të drejtë të paraqesë, menjëherë, pretendimet e veta lidhur me inspektimin.
9. Në rast se gjykohet e arsyeshme, për shkak të administrimit të një apo disa provave, të cilat nuk mund të administrohen në vend, inspektorët mund t'i lënë një afat kohor subjektit që inspektohet, që të paraqesë pretendimet e veta me shkrim, së bashku me provat në fjalë. Ky fakt pasqyrohet në procesverbal, së bashku edhe me afatin e caktuar prej inspektorëve, afat ky që, në çdo rast, nuk mund të jetë më i shkurtër se 5 (pesë) ditë. Pas kalimit të këtij afati, vendimi përfundimtar mund të merret pa qenë i nevojshëm dëgjimi i mëtejshëm i subjektit të inspektimit. Shpjegimet apo kontestimet e subjektit të inspektimit janë pjesë e dosjes.
10. Në rast se subjekti i inspektimit refuzon të nënshkruajë procesverbalet, sipas pikës 4 të këtij neni, ky fakt shënohet në procesverbal dhe njoftimi kryhet sipas nenit 81 të ligjit Nr. 97/2013 "Për mediat audiovizive në Republikën e Shqipërisë", i ndryshuar. Dorëzimi i procesverbalit përfaqësuesit të subjektit të inspektimit, menjëherë në përfundim të inspektimit dhe në vendin ku është kryer inspektimi, konsiderohet si njoftim i procesverbalit, në respektim të nenit 81, Pika 1/a të ligjit Nr. 97/2013 "Për mediat audiovizive në Republikën e Shqipërisë", i ndryshuar. Kur kjo nuk mund të realizohet, njoftimi kryhet sipas mënyrave të tjera të parashikuara në ligj.

#### **Neni 17**

##### **Shqyrtimi dhe marrja e vendimit përfundimtar**

1. Në përfundim të inspektimit, inspektorët, në rast se konstatojnë shkelje të cilat përbëjnë kundërvajtje administrative, marrin vendimin përkatës, sipas parashikimeve ligjore në fuqi.
2. Vendimi i inspektorëve i njoftohet subjektit të inspektimit sipas nenit 81 të Ligjit Nr. 97/2013 "Për mediat audiovizive në republikën e Shqipërisë", i ndryshuar.

#### **Neni 18**

##### **Bllokimi i pajisjeve dhe/ose ndalimi i funksionimit të tyre**

1. Bllokimi i pajisjeve dhe/ose ndalimi i funksionimit të tyre, si dhe inventarizimi dhe sekuestrimi i tyre bëhet në përputhje me nenin 80 të Ligjit Nr. 97/2013 "Për mediat audiovizive në Republikën e Shqipërisë", i ndryshuar.
2. Në rast se inspektorët, gjatë ushtrimit të inspektimit, zbulojnë se pajisjet transmetuese të subjektit të inspektimit shkaktojnë interferenca të dëmshme, pavarësisht se për përdorimin e tyre është marrë licenca ose autorizimi përkatës, marrin vendimin për bllokimin dhe ndalimin e funksionimit të tyre, i cili i njoftohet përfaqësuesit të subjektit menjëherë.
3. Bllokimi dhe ndalimi i funksionimit të pajisjeve bëhet përmes procesverbalit përkatës të bllokimit dhe ndalimit të funksionimit të tyre, i cili nënshkruhet nga inspektorët, si dhe një përfaqësues i subjektit, kur ky i fundit pranon të nënshkruajë. Në rast se përfaqësuesi i subjektit refuzon nënshkrimin, ky fakt shënohet në procesverbal dhe procesverbal afishohet në vendin e inspektimit.
4. Bllokimi dhe ndalimi i funksionimit të pajisjeve, tregohet me një vulë, përmbajtja dhe forma e të cilës përcaktohen nga AMA.
5. Përkundrejt kërkesës me shkrim të subjektit që ka shkaktuar interferencën, inspektorët bëjnë verifikimin e nevojshëm dhe, nëse vërejnë se interferencat e dëmshme janë shmangur, vendosin për lejimin e funksionimit të mëtejshëm të pajisjes së ndaluar.
6. Kur një person fizik apo juridik zhvillon veprimtari në fushën e transmetimeve audio dhe/ose audiovizive, të palicencuar, ose të paautorizuar nga AMA, inspektorët marrin vendimin për bllokimin, inventarizimin dhe sekuestrimin e pajisjeve të përdorura për ushtrimin e saj, i cili i njoftohet përfaqësuesit të subjektit menjëherë.
7. Inventarizimi dhe sekuestrimi i pajisjeve bëhet përmes procesverbalit përkatës të bllokimit, inventarizimit dhe sekuestrimit të pajisjeve të përdorura për ushtrimin e veprimtarisë së transmetimeve audio dhe/ose audiovizive pa licencë, ose pa autorizim nga AMA, i cili nënshkruhet nga inspektorët, si dhe një përfaqësues i subjektit, kur ky i fundit pranon të nënshkruajë. Në rast se

përfaqësuesi i subjektit refuzon nënshkrimin, ky fakt shënohet në procesverbal dhe procesverbali afishohet në vendin e inspektimit.

8. Kundër vendimit për sekuestrimin mund të bëhet ankim, brenda 10 (dhjetë) ditëve, në gjykatë. Pas kalimit të afatit të ankimit dhe në rast se, pas ankimit, gjykata vlerëson të ligjshëm sekuestrimin, pajisjet konfiskohen dhe kalojnë në pronësi të shtetit. Konfiskimi bëhet me urdhër të veçantë të Kryetarit të AMA-s.
9. Për zbatimin e detyrave të këtij neni, AMA bashkëpunon me autoritetet publike lokale, Policinë e Shtetit dhe shërbimin përmbartimor.

## **KREU IV PROCEDURAT E POSAÇME TË INSPEKTIMIT**

### **SEKSIONI 1 INSPEKTIMI NË FUSHËN E PROGRAMEVE**

#### **Neni 19**

##### **Inspektimi në fushën e programeve**

1. Me përjashtim të rasteve të parashikuara në ligj, ose në akte të tjera në nënligjore të AMA-s, inspektimi në fushën e programeve kryhet kryesisht, ose me kërkesë të subjektit të interesuar.
2. Kur gjatë ushtrimit të detyrave funksionale, administrata e AMA-s konstaton shkelje të legjislacionit për mediat audio dhe audiovizive në fushën e programeve, përgatit relacionin e konstatimit.
3. Relacioni duhet të përmbajë informacion të hollësishëm për subjektin, datën, orën, programin e monitoruar, shkeljen/t dhe çdo veprim tjetër të kryer gjatë procedurës dhe shoqërohet me provat përkatëse, si relacion, regjistrim, fotografi, etj.
4. Relacioni, së bashku me çdo dokumentacion tjetër shoqëruar, i kalon, sipas kompetencës, kryetarit dhe/ose sekretarit të përgjithshëm të AMA-s.

#### **Neni 20**

##### **Shqyrtimi dhe marrja e vendimit përfundimtar në fushën e programeve**

1. Pas vlerësimit të relacionit të konstatimit, si dhe materialit përkatës, sipas nenit 19 të kësaj rregulloreje, kryetari dhe/ose sekretari i përgjithshëm i AMA-s, sipas kompetencës, autorizon vazhdimin e procedurës administrative dhe fillimin e hetimit administrativ.
2. Subjekti i inspektimit njoftohet sipas nenit 81 të ligjit Nr. 97/2013 “Për mediat audiovizive në Republikën e Shqipërisë”, i ndryshuar. Në njoftim shënohet edhe afati brenda të cilit subjekti i inspektimit duhet të japë shpjegime, të dorëzojë çdo dokumentacion dhe/ose material që mund t’i kërkohet, si dhe të paraqesë pretendimet e tij me shkrim, të shoqëruara me provat përkatëse. Sipas rastit, subjektit të inspektimit mund t’i kërkohet që të dëgjohet në një seancë dëgjimore, data dhe ora e së cilës shënohet në njoftim. Subjekti mund të kërkojë të dëgjohet në një seancë dëgjimore, kurdoherë që të dëshirojë, duke njoftuar, më parë, organin e inspektimit.
3. Në rast të mos respektimit, nga ana e subjektit të inspektimit, të afatit të përcaktuar në njoftimin, sipas pikës 2 të këtij neni, vendimi përfundimtar mund të merret pa qenë i nevojshëm dëgjimi i mëtejshëm i tij.
4. Parashikimet e pikave 2 dhe 3 të këtij neni nuk e pengojnë organin inspektues të kryejë një inspektim pranë subjektit të inspektimit, sipas Kreut III të kësaj rregulloreje.
5. Vendimi përfundimtar i njoftohet subjektit sipas ligjit.

### **SEKSIONI 2 INSPEKTIMI NË FUSHËN EKONOMIKO – FINANCIARE**

#### **Neni 21**

##### **Inspektimi në fushën ekonomiko – financiare**

1. Inspektimi në fushën ekonomike – financiare kryhet nga administrata e AMA-s kryesisht.
2. Kur gjatë ushtrimit të detyrave funksionale, administrata e AMA-s konstaton shkelje të legjislacionit për mediat audio dhe audiovizive në fushën ekonomiko - financiare, që lidhen me veprimtarinë ekonomiko – financiare, përgatit relacionin e konstatimit.
3. Relacioni i konstatimit, duhet të përmbajë informacion të hollësishëm për subjektin, shkeljen/t dhe çdo veprim tjetër të kryer gjatë procedurës dhe shoqërohet me materialet përkatëse.
4. Relacioni, së bashku me çdo dokumentacion tjetër shoqërues, i kalon, sipas kompetencës, kryetarit dhe/ose sekretarit të përgjithshëm të AMA-s.

## **Neni 22**

### **Shqyrtimi dhe marrja e vendimit përfundimtar në fushën ekonomiko - financiare**

1. Pas vlerësimit të relacionit të konstatimit, si dhe materialit përkatës, sipas nenit 21 të kësaj rregulloreje, kryetari dhe/ose sekretari i përgjithshëm i AMA-s, sipas kompetencës, autorizon vazhdimin e procedurës administrative dhe fillimin e hetimit administrativ.
2. Subjekti i inspektimit njoftohet sipas nenit 81 të ligjit Nr. 97/2013 “Për mediat audiovizive në Republikën e Shqipërisë”, i ndryshuar. Në njoftim shënohet edhe afati brenda të cilit, subjekti i inspektimit duhet të japë shpjegime, të dorëzojë çdo dokumentacion dhe/ose material që mund t’i kërkohet, si dhe të paraqesë pretendimet e tij me shkrim, të shoqëruara me provat përkatëse. Sipas rastit, subjektit mund t’i kërkohet që të dëgjohet në një seancë dëgjimore, data dhe ora e së cilës shënohet në njoftim. Subjekti mund të kërkojë të dëgjohet në një seancë dëgjimore, kurdoherë që të dëshirojë, duke njoftuar, më parë, organin e inspektimit.
3. Në rast të mos respektimit, nga ana e subjektit, të afatit të përcaktuar në njoftimin, sipas pikës 2 të këtij neni, vendimi përfundimtar mund të merret pa qenë i nevojshëm dëgjimi i mëtejshëm i tij.
4. Vendimi përfundimtar i njoftohet subjektit sipas ligjit.

## **SEKSIONI 3**

### **INSPEKTIMI NË FUSHËN TEKNIKE**

## **Neni 23**

### **Inspektimi në fushën teknike**

1. Si rregull, inspektimi në fushën teknike kryhet sipas Kreut III të kësaj rregulloreje.
2. Inspektimi kryhet kryesisht, ose me kërkesë të palëve të interesuara.
3. Kur gjatë ushtrimit të detyrave të veta funksionale, administrata e AMA-s konstaton shkelje të legjislacionit për mediat audio dhe/ose audiovizive në fushën teknike, përgatit relacionin e konstatimit.
4. Relacioni i konstatimit duhet të përmbajë informacion të hollësishëm për subjektin e inspektimit, datën, orën, shkeljen/t dhe çdo veprim tjetër të kryer gjatë procedurës dhe shoqërohet me provat përkatëse, si regjistrim, fotografi, etj.
5. Relacioni i konstatimit, së bashku me çdo dokumentacion tjetër shoqërues, i kalon, sipas kompetencës, kryetarit dhe/ose sekretarit të përgjithshëm të AMA-s.

## **Neni 24**

### **Shqyrtimi dhe marrja e vendimit përfundimtar në fushën teknike**

1. Pas vlerësimit të relacionit të konstatimit, si dhe materialit përkatës, sipas nenit 23, të kësaj rregulloreje, kryetari dhe/ose sekretari i përgjithshëm i AMA-s, sipas kompetencës, autorizon vazhdimin e procedurës administrative dhe fillimin e hetimit administrativ.
2. Subjekti njoftohet sipas nenit 81 të ligjit Nr. 97/2013 “Për mediat audiovizive në Republikën e Shqipërisë”, i ndryshuar. Në njoftim shënohet edhe afati brenda të cilit, subjekti i inspektimit duhet të japë shpjegime, të dorëzojë çdo dokumentacion dhe/ose material që mund t’i kërkohet, si dhe të paraqesë pretendimet e tij me shkrim, të shoqëruara me provat përkatëse. Sipas rastit, subjektit të inspektimit mund t’i kërkohet që të dëgjohet në një seancë dëgjimore, data dhe ora e së cilës shënohet në njoftim. Subjekti mund të kërkojë të dëgjohet në një seancë dëgjimore, kurdoherë që të dëshirojë, duke njoftuar, më parë, organin e inspektimit.

3. Në rast të mos respektimit, nga ana e subjektit të inspektimit, të afatit të përcaktuar në njoftimin, sipas pikës 2 të këtij neni, vendimi përfundimtar mund të merret pa qenë i nevojshëm dëgjimi i mëtejshëm i tij.
4. Parashikimet e pikave 2 dhe 3 të këtij neni nuk e pengojnë organin inspektues të kryejë një inspektim pranë subjektit të inspektimit, sipas Kreut III të kësaj rregulloreje.
5. Vendimi përfundimtar i njoftohet subjektit sipas ligjit.

## **SEKSIONI 4 INSPEKTIMI NË FUSHËN ORGANIZATIVE**

### **Neni 25**

#### **Inspektimi në fushën organizative**

1. Kur gjatë ushtrimit të detyrave funksionale, administrata e AMA-s konstaton shkelje të legjislacionit për mediat audio dhe audiovizive në fushën organizative, që lidhen me ndryshime në të dhënat e paraqitura në kërkesën për marrje licence dhe/ose autorizimi, përgatit relacionin e konstatimit.
2. Relacioni i konstatimit, duhet të përmbajë informacion të hollësishëm për subjektin, shkeljen/t dhe çdo veprim tjetër të kryer gjatë procedurës dhe shoqërohet me materialet përkatëse.
3. Relacioni, së bashku me çdo dokumentacion tjetër shoqërues, i kalon, sipas kompetencës, kryetarit dhe/ose sekretarit të përgjithshëm të AMA-s.

### **Neni 26**

#### **Shqyrtimi dhe marrja e vendimit përfundimtar**

1. Pas vlerësimit të relacionit të konstatimit, si dhe materialit përkatës, sipas nenit 25, të kësaj rregulloreje, kryetari dhe/ose sekretari i përgjithshëm i AMA-s, sipas kompetencës, autorizon vazhdimin e procedurës administrative dhe fillimin e hetimit administrativ.
2. Subjekti njoftohet sipas nenit 81 të ligjit Nr. 97/2013 “Për mediat audiovizive në Republikën e Shqipërisë”, i ndryshuar. Në njoftim shënohet edhe afati brenda të cilit, subjekti i inspektimit duhet të japë shpjegime, të dorëzojë çdo dokumentacion dhe/ose material që mund t’i kërkohet, si dhe të paraqesë pretendimet e tij me shkrim, të shoqëruara me provat përkatëse. Sipas rastit, subjektit të inspektimit mund t’i kërkohet që të dëgjohet në një seancë dëgjimore, data dhe ora e së cilës shënohet në njoftim. Subjekti mund të kërkojë të dëgjohet në një seancë dëgjimore, kurdoherë që të dëshirojë, duke njoftuar, më parë, organin e inspektimit.
3. Në rast të mos respektimit, nga ana e subjektit të inspektimit, të afatit të përcaktuar në njoftimin, sipas pikës 2 të këtij neni, vendimi përfundimtar mund të merret pa qenë i nevojshëm dëgjimi i mëtejshëm i tij.
4. Vendimi përfundimtar i njoftohet subjektit sipas ligjit.

## **KREU V**

### **ANKIMI ADMINISTRATIV DHE GJYQËSOR**

#### **Neni 27**

##### **Ankimi administrativ**

1. Kundër vendimit të personave të autorizuar bëhet ankim në AMA brenda 30 (tridhjetë) ditëve nga data e marrjes dijeni.
2. Ankimi administrativ kundër vendimit të inspektorëve pezullon zbatimin e tij.
3. AMA shqyrton ankimin dhe merr vendim brenda 30 (tridhjetë) ditëve nga data e paraqitjes së ankimit.

#### **Neni 28**

##### **Ankimi gjyqësor**

1. Kundër vendimit përfundimtar të AMA-s, mund të bëhet ankim në Gjykatën Administrative të Shkallës së Parë Tiranë.
2. Ankimi gjyqësor ndaj vendimit përfundimtar të AMA-s nuk e pezullon zbatimin e tij.

## **KREU VI DISPOZITA KALIMTARE DHE TË FUNDIT**

### **Neni 29**

#### **Dispozitë kalimtare**

Për procedurat administrative, që kanë filluar para hyrjes në fuqi të kësaj rregulloreje, zbatohen dispozitat e rregullores “Për miratimin e rregullores “Mbi procedurat e inspektimit/monitorimit të veprimtarisë së ofruesve të shërbimit mediatik audio dhe/ose audioviziv”, miratuar me Nr.21, datë 27.12.2013 të AMA-s.

### **Neni 30**

#### **Formularët**

Formularët bashkëlidhur këtij vendimi janë pjesë përbërëse e tij, në emërtesat përkatëse, si më poshtë vijon:

1. Proces verbal prezence;
2. Proces verbal për inspektimin e veprimtarisë audio dhe/ose audiovizive;
3. Proces verbal për konstatimin e programeve në transmetim;
4. Vendim për bllokimin, inventarizimin dhe sekuestrimin e pajisjeve të përdorura për ushtrimin e veprimtarisë së transmetimeve audio dhe/ose audiovizive.
5. Proces verbal për bllokimin, inventarizimin dhe sekuestrimin e pajisjeve të përdorura për ushtrimin e veprimtarisë së transmetimeve audio dhe/ose audiovizive.
6. Vendim për bllokimin dhe ndalimin e pajisjeve të përdorura për ushtrimin e veprimtarisë së transmetimeve audio dhe/ose audiovizive.
7. Procesverbal për bllokimin dhe ndalimin e pajisjeve të përdorura për ushtrimin e veprimtarisë së transmetimeve audio dhe/ose audiovizive.

### **Neni 31**

#### **Shfuqizime**

Rregullorja “Për miratimin e rregullores “Mbi procedurat e inspektimit/monitorimit të veprimtarisë së ofruesve të shërbimit mediatik audio dhe/ose audioviziv”, miratuar me Nr.21, datë 27.12.2013 të AMA-s shfuqizohet.

### **Neni 32**

#### **Publikimi**

Kjo Rregullore, si dhe çdo ndryshim i saj, publikohet në faqen zyrtare të Autoritetit të Mediave Audiovizive në internet, pas miratimit të saj.

### **Neni 33**

#### **Hyrja në fuqi**

Kjo Rregullore hyn në fuqi në datën e miratimit të saj nga Autoriteti i Mediave Audiovizive.

**FORMULARËT**

**( NENI 30 )**

GRUPI I INSPEKTIMIT

**PROCESVERBAL PREZENCA**

I mbajtur sot, në datë \_\_\_\_\_, në ambientet e subjektit \_\_\_\_\_,  
me adresë \_\_\_\_\_.

Personat e autorizuar të AMA-s:

\_\_\_\_\_  
\_\_\_\_\_.

Bazuar në Urdhrin e Kryetarit të AMA-s Nr. \_\_\_\_\_, datë \_\_\_\_\_ "Për inspektimin e veprimtarisë së subjekteve (OSHMA), si dhe inventarizimin dhe sekuestrimin e pajisjeve të përdorura për ushtrimin e veprimtarive të palicencuara/paautorizuara", njofton subjektin \_\_\_\_\_, përfaqësuar nga \_\_\_\_\_ në pozicionin e \_\_\_\_\_ të këtij subjekti, mbi objektin e Urdhrit Nr. \_\_\_\_\_, datë \_\_\_\_\_ të Kryetarit të AMA-s.

**PËR KËTO ARSYE**

Mbështetur në nenin 16, pika 1 të Vendimit të AMA-s Nr. 101, datë 07.06.2017 "Për miratimin e rregullores "Për procedurat e inspektimit të veprimtarisë së ofruesve të shërbimit mediatic audio dhe/ose audioviziv", u mbajt ky procesverbal prezence, për vazhdimin e mëtejshëm të procedurës së inspektimit.

PËR SUBJEKTIN

\_\_\_\_\_

AUTORITETI I MEDIATEVE AUDIOVIZIVE  
GRUPI I INSPEKTIMIT

\_\_\_\_\_  
\_\_\_\_\_  
\_\_\_\_\_  
\_\_\_\_\_



GRUPI I INSPEKTIMIT

**PROCES VERBAL**  
**datë \_\_\_\_ . \_\_\_\_ . 2017**  
**PËR**  
**KONSTATIMIN E PROGRAMEVE NË TRANSMETIM**

Bazuar në Urdhrin Nr. \_\_\_\_ datë \_\_\_\_\_ të Kryetarit të AMA-s, në vijim të proces verbalit të datës \_\_\_\_\_, grupi i inspektimit të AMA-s, gjatë ushtrimit të kontrollit të ushtruar në subjektin \_\_\_\_\_, konstatoi transmetimin e programeve (kanaleve) si më poshtë:

- |           |           |           |
|-----------|-----------|-----------|
| 1. _____  | 25. _____ | 49. _____ |
| 2. _____  | 26. _____ | 50. _____ |
| 3. _____  | 27. _____ | 51. _____ |
| 4. _____  | 28. _____ | 52. _____ |
| 5. _____  | 29. _____ | 53. _____ |
| 6. _____  | 30. _____ | 54. _____ |
| 7. _____  | 31. _____ | 55. _____ |
| 8. _____  | 32. _____ | 56. _____ |
| 9. _____  | 33. _____ | 57. _____ |
| 10. _____ | 34. _____ | 58. _____ |
| 11. _____ | 35. _____ | 59. _____ |
| 12. _____ | 36. _____ | 60. _____ |
| 13. _____ | 37. _____ | 61. _____ |
| 14. _____ | 38. _____ | 62. _____ |
| 15. _____ | 39. _____ | 63. _____ |
| 16. _____ | 40. _____ | 64. _____ |
| 17. _____ | 41. _____ | 65. _____ |
| 18. _____ | 42. _____ | 66. _____ |
| 19. _____ | 43. _____ | 67. _____ |
| 20. _____ | 44. _____ | 68. _____ |
| 21. _____ | 45. _____ | 69. _____ |
| 22. _____ | 46. _____ | 70. _____ |
| 23. _____ | 47. _____ | 71. _____ |
| 24. _____ | 48. _____ | 72. _____ |

PËR SUBJEKTIN

\_\_\_\_\_

AUTORITETI I MEDIAVE AUDIOVIZIVE  
GRUPI I INSPEKTIMIT

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_

- 73. \_\_\_\_\_
- 74. \_\_\_\_\_
- 75. \_\_\_\_\_
- 76. \_\_\_\_\_
- 77. \_\_\_\_\_
- 78. \_\_\_\_\_
- 79. \_\_\_\_\_
- 80. \_\_\_\_\_
- 81. \_\_\_\_\_
- 82. \_\_\_\_\_
- 83. \_\_\_\_\_
- 84. \_\_\_\_\_
- 85. \_\_\_\_\_
- 86. \_\_\_\_\_
- 87. \_\_\_\_\_
- 88. \_\_\_\_\_
- 89. \_\_\_\_\_
- 90. \_\_\_\_\_
- 91. \_\_\_\_\_
- 92. \_\_\_\_\_
- 93. \_\_\_\_\_
- 94. \_\_\_\_\_
- 95. \_\_\_\_\_
- 96. \_\_\_\_\_
- 97. \_\_\_\_\_

- 98. \_\_\_\_\_
- 99. \_\_\_\_\_
- 100. \_\_\_\_\_
- 101. \_\_\_\_\_
- 102. \_\_\_\_\_
- 103. \_\_\_\_\_
- 104. \_\_\_\_\_
- 105. \_\_\_\_\_
- 106. \_\_\_\_\_
- 107. \_\_\_\_\_
- 108. \_\_\_\_\_
- 109. \_\_\_\_\_
- 110. \_\_\_\_\_
- 111. \_\_\_\_\_
- 112. \_\_\_\_\_
- 113. \_\_\_\_\_
- 114. \_\_\_\_\_
- 115. \_\_\_\_\_
- 116. \_\_\_\_\_
- 117. \_\_\_\_\_
- 118. \_\_\_\_\_
- 119. \_\_\_\_\_
- 120. \_\_\_\_\_
- 121. \_\_\_\_\_
- 122. \_\_\_\_\_

PËR SUBJEKTIN

\_\_\_\_\_

AUTORITETI I MEDIAVE AUDIOVIZIVE  
GRUPI I INSPEKTIMIT

- 1. \_\_\_\_\_
- 2. \_\_\_\_\_
- 3. \_\_\_\_\_
- 4. \_\_\_\_\_
- 5. \_\_\_\_\_

GRUPI I INSPEKTIMIT

**VENDIM**

**Datë** \_\_\_\_\_.\_\_\_\_\_.2017

**PËR**

**BLOKIMIN, INVENTARIZIMIN DHE SEKUESTRIMIN E PAJISJEVE TË PËRDORURA NGA**

**PËR USHTRIMIN E VEPRIMTARISË SË TRANSMETIMEVE AUDIO DHE/OSE AUDIOVIZIVE**

Bazuar në Urdhrin Nr. \_\_\_\_ datë \_\_\_\_\_ të Kryetarit të AMA-s, personat e autorizuar të AMA-s:

Pasi shqyrtuan edhe proces verbalin e datës \_\_\_\_\_, sipas të cilit rezulton se:

Për sa më sipër, në bazë të nenit 64 dhe nenit 80 të Ligjit nr 97/2013 “Për mediat audiovizive në Republikën e Shqipërisë, i ndryshuar, si dhe Vendimin e AMA-s Nr. 101, datë 07.06.2017 “Për miratimin e rregullores “Për procedurat e inspektimit të veprimtarisë së ofruesve të shërbimit mediatik audio dhe/ose audioviziv”, personat e autorizuar,

**VENDOSËN:**

1. Bllokimin, inventarizimin dhe sekuestrimin e pajisjeve të përdorura nga \_\_\_\_\_ për ushtrimin e veprimtarisë së transmetimeve audio dhe/ose audiovizive.
2. Kundër vendimit për sekuestrim mund të bëhet ankim brenda 10 (dhjetë) ditëve në gjykatë.
3. Pas kalimit të afatit të ankimit dhe në rast se, pas ankimit, gjykata vlerëson të ligjshëm sekuestrimin, pajisjet e bllokuara konfiskohen dhe kalojnë në pronësi të shtetit.

Ky vendim hyn në fuqi menjëherë.

**AUTORITETI I MEDIAVE AUDIOVIZIVE**

**GRUPI I INSPEKTIMIT**

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_









